

201

pebræ tumescabant. Aegra tristis et dedolata incedebat. Pulsus parvi ac debiles, ceteræ functio-  
nes integræ. Ordinabatur:

R. Aq. Menth. piperit unc. quatuor.

Extract. trifol. fibrin.

— cort. peruvian. aa. drach. unam.

— Squillæ gran. sex.

Syrup. Menth. unc. unam.

M. D.

S. Capiat, ut prius,

Die 7ma et 8va, Status idem, medicamina  
hesterna.

Die 9na. Dolor lateris valdopere imminutus,  
vix enim bis per diem levi impetu ægram inva-  
fit; ceterum corporis torositas increvit. Non  
ullus faciei, nec palpebrarum tumor; somnus per  
noctem quietus; alvus ut in statu sano aperta;  
urina flava; adpetitus bonus.

A die 9na ad 15tam usque omnis lateris dol-  
or evanuit. Functiones omnes integerrimæ.  
Aegra nil porro, nisi cardiaæ pressionem post ci-  
lbum adsumtum, conquesta. Hinc omni medica-  
mento omissò præscriptum est:

R. Vin. amar. unc. octo.

D.

S. Capiat ter de die vasculum dimidium. Ce-  
tera eadem.

Quo remedio per 8 dies continuato omnino  
sana quæ erat 23ia Augosti, curam dereliquit.

Heller.

Ischias nervosa Cotunni.

**M**aria Knorr, Eibelstadiensis ad Moenum, 46  
annos nata, inde ab infantia, modo illi ætati